

SLOBODANKA KLJUČANIN

INSPIRATION - Spatial Data Infrastructure in the Western Balkans

INSPIRATION - Spatial Data Infrastructure in the Western Balkans je međunarodni projekat koji je finansirala Evropska Unija. Projekat je imao za cilj promovisanje Infrastrukture Prostornih Podataka (IPP) i koordinaciju njene implementacije u državama tzv. Zapadnog Balkana. U konačnici, projekat je trebao dati svoj doprinos u stvaranju povoljnog okruženja za tačne i ažurne podatke visoke kvalitete, koji su dobro strukturirani i dostupni u lokalnim, regionalnim i državnim upravnim tijelima.

Projekat je trajao od početka 2012-te, pa sve do kraja 2013-te godine, a bile su uključene sljedeće države: Albanija, Bosna i Hercegovina, Hrvatska, Bivša jugoslavenska Republika Makedonija, Crna Gora, Srbija i Kosovo.

Tehničku pomoć u provođenju projekta pružale su: GFA Consulting Group (Njemačka), con terra (Njemačka), Umweltbundesamt (Austrija) i GISDATA (Hrvatska).

Pomenuti projekat se sastojao iz tri cjeline:

1. Aktivnost 1: Zakonodavstvo, analiza institucionalnog i zakonodavnog okvira,
2. Aktivnost 2: Izgradnja kapaciteta i transfer znanja i
3. Aktivnost 3: Podizanja razine svijesti i komunikacija,

a koje su rezultirale Nacionalnim izvještajima zemalja uključenih u projekat. Za pisanje Nacionalnog izvještaja za Bosnu i Hercegovinu bila je zadužena *doc.dr. Slobodanka Ključanin*.

Nacionalni izvještaj za Bosnu i Hercegovine se zbog specifičnosti uređenja države sastoji iz tri dijela, odnosno izvještaja za Federaciju BiH (37 stranica), Republiku Srpsku (41 stranica) i Distrikt Brčko (21 stranica). Struktura izvještaja je za entitete i distrikt ista, a sastoji se od:

1. Izvršnog sažetka,
2. Projektnog zadatka i uvoda,
3. Metodologije izrade izvještaja,
4. Rezultata izvještaja,
5. Detaljnog prikaza implementacije IPP-a,
6. Tehničke implementacije IPP-a,
7. Preporuka za daljnji razvoj IPP-a.

Ovi nacionalni izvještaji su pokazali da se naša zemlja nalazi na začelju stvaranja okruženja (institucionalnog i zakonodavnog) za implementaciju IPP-a. Pored toga, zbog svog uređenja, zapažena je neravnoteža u načinu i razini razvoja ka provođenju IPP-a. Tako je zaključeno da u Federaciji BiH i Distriktu Brčko nema odgovarajućih zakonskih akata za provođenje IPP-a, ali ima projekata u skladu sa INSPIRE direktivom i čeka se povoljno okruženje za stvaranje zakonskih pretpostavki za brže kretanje ka uspostavi IPP-a. U Republici Srpskoj postoje zakonodavni akti i krenulo se sa implementacijom IPP-a.

Na osnovu istraživanja, analize i donesenih zaključaka date su i preporuke za odgovarajuće entitete, odnosno distrikt.

Pomenuti nacionalni izvještaji dostupni su za besplatno preuzimanje na sljedećim web stranicama:

http://www.inspiration-westernbalkans.eu/5/8/9/9/0/3/Nacionalno_IPP_izvje___263_e_FBiH.pdf

http://www.inspiration-westernbalkans.eu/5/8/9/9/0/3/Nacionalno_IPP_izvjesce_Distrikt_Brcko.pdf

http://www.inspiration-westernbalkans.eu/5/8/9/9/0/3/Nacionalno_IPP_izvjesce_RS.pdf

Admir Mulahusić